



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Ex Nouo Testamento Quatuor Eua[n]=||gelia**

**Erasmus, Desiderius**

**Erphordie, 1520**

**VD16 B 4591**

Capvt. XX.

**urn:nbn:de:hbz:466:1-34488**

MATTHAEVM. FO. XXIII.

trem, & diliges proximū tuum, vt teipsum, dicit illi adolescens:  
 Omnia hæc seruauī a iuuetute mea, quid adhuc mihi deest? Ait  
 illi Iesus: Si vis perfectus esse, vade vende quæ habes, & da pau-  
 peribus & habebis thesaurū in cælo, & veni sequere me. Cū au-  
 diffet autem adolescens eum sermonem, abiit tristis. Erat enim  
 habēs possessiones multas. Iesus autē dixit discipulis suis; Amē  
 dico vobis: diues difficile intrabit in regnum cælorum. Et iterū  
 dico vobis: Facilius est camelum per foramē acus transire, quam  
 diuitem in regnū dei ingredi. Auditis autem his discipuli expa-  
 uerunt valde, dicentes: Quis ergo potest saluus fieri? Intuitus  
 autem illos Iesus, dixit illis: Apud homines hoc impossibile est,  
 apud deum autem omnia possibilia sunt. Tunc respondens Pe-  
 trus, dixit ei: Ecce nos reliquimus omnia, & secuti sumus te:  
 Quid ergo erit nobis? Iesus autem dixit illis: Amen dico vobis,  
 quod vos, qui secuti estis me in regeneratione, cum sederit filius  
 hominis in sede maiestatis suæ, sedebitis & vos super sedes duo-  
 decim, iudicantes duodecim tribus Israel. Et omnis q̄ reliquerit  
 domum, aut fratres, aut sorores, aut patrem, aut matrem, aut vx-  
 orem, aut filios, aut agros, propter nomen meū, centupla accipi-  
 et, & vitæ æternæ sortietur hæreditatē. Multi autem primi, erunt  
 nouissimi; & nouissimi, primi.

¶ CAPVT. XX.

Am simile est regnum cælorū hominī patrifamilias,  
 qui exiit primo statim diluculo ad cōducendos opa-  
 rios in vineam suam. Conuentione autem facta cum

E iij

operarijs in singulos dies denario, misit eos in vineam suam. Et egres-  
sus circiter horam tertiam, vidit alios stantes in foro ociosos, &  
illis dixit: Ite & vos in vineam, & quodcumque iustum fuerit, dabo  
vobis. Illi autem abierunt. Rursum autem exiit circiter sextam &  
nonam horam, & fecit similiter. Circa undecimam vero exiit, &  
inuenit alios stantes, ac dicit illis: Cur hic statis tota die ociosi? Di-  
cunt ei, quia nemo nos conduxit. Dicit illis: Abite & vos in vi-  
neam, & quicquid fuerit iustum, accipietis. Cum autem vespera  
facta esset, dicit dominus vineae, procuratori suo: Voca operari-  
os, & redde illis mercedem, incipiens a postremis usque ad primos.  
Et cum venissent qui circa undecimam horam venerant, acceperunt  
singuli denarium. Venientes autem & primi, arbitrati sunt,  
quod plus essent accepturi, & acceperunt ipsi quoque singuli de-  
narium. Et cum accepissent, murmurabant aduersus patrem fa-  
milias, dicentes: Hi nouissimi vnam horam fuerunt in opere, &  
illos pares nobis fecisti, qui portauimus pondus diei & estum. At  
ille respondens vni eorum, dixit: Amice, non facio tibi iniuriam,  
Nonne denario pactus es mecum? Tolle quod tuum est, & abi. Vo-  
lo autem huic nouissimo dare sicut & tibi. An non licet mihi quod vo-  
lo facere in rebus meis? Si oculus tuus malus est, quod ego bonus  
sum? Sic nouissimi erunt primi, & primi nouissimi. Multi enim  
sunt vocati, pauci vero electi. Et conscendens Iesus Hierosoly-  
ma, assumpsit duodecim discipulos suos solos in via, & ait illis:  
Ecce conscendimus Hierosolyma, & filius hominis tradetur prin-  
cipibus sacerdotum ac scribis, & condemnabunt eum morte, & tra-

MATTHAEVM. FO. XXIII.

dent eū gentibus ad illudendum, & flagellandum, & crucifigendum: & tertia die resurget. Tunc accessit ad eū mater filiorū Zebedæi cū filijs suis, adorans & petens aliquid ab eo. At ille dicit ei: Quid vis? Ait illi: Dic vt sedeant hi duo filij mei, vnus ad dexterā tuā, & alter ad sinistram in regno tuo. Respondens autem Iesus, dixit: Nescitis quid petitis, Potestis bibere poculū, quod ego bibiturus sum? & baptismate quo ego baptizor, baptizari? Dicunt ei: Possumus. Ait illis: Calicem quidē meum bibetis, & baptismate quo ego baptizor, baptizabimini, sedere autem ad dexteram meam & sinistrā, non est meū dare, sed ijs continget quibus paratū est a patre meo, Et cū audissent decem, indignati sunt de duobus fratribus. Iesus autē vocauit eos ad sese, & ait: Scitis, quod principes gentiū dominantur illis, & qui magni sunt potestate exercent in eas. Nō ita erit inter vos, sed quicūq; voluerit inter vos magnus fieri, sit vester minister: & qui voluerit inter vos primus esse, sit vester seruus. Sicut filius hominis nō venit vt sibi ministraret, sed vt ipse ministraret: vtq; daret animā suā redemptionē pro multis. Et egredientibus illis ab Hiericho, secuta est eū turba multa. Et ecce duo cæci sedentes secus viā, cum audissent, quod Iesus transiret, clamauerūt dicētes: Dñe miserere nostri fili Dauid. Turba autē increpabat eos, vt tacerent. At illi magis clamabant, dicētes: Miserere nostri dñe fili Dauid. Et stetit Iesus & vocauit eos, & ait: Quid vultis vt faciam vobis? Dicunt illi: Dñe, vt aperiant oculi nostri. Misertus autē eorum Iesus, tetigit oculos eorū, & confestim visum receperūt oculi illorū, & secuti sunt eū,